

Johann Jacob Döbel

**Rector Universitatis Rostochiensis Johannes Jacobus Döbelius, Med. Doctor,  
Professor Publicus ... Ad Exequias, Quas Parenti suo desideratissimo, Viro ... Dn.  
Casparo Viereggen ... Mareschallo ... Consuli ... Filia moestissima, Hodie ...  
paratas cupit, Omnium Ordinum Cives Academicos ... invitat**

Rostochii: Kilius, [1675]


<http://purl.uni-rostock.de/rosdok/ppn777373300>

Druck Freier  Zugang



Döbel, J. J.,  
in C. Vieregge

Rost.(1675.)*a*







2  
RECTOR  
UNIVERSITATIS ROSTOCHIENSIS  
JOHANNES JACO-  
BUS DÖBELIUS,  
Med. Doctor, Professor Publicus,  
Poliater, & Facultatis suæ DECANUS,

Ad Exequias,

*Quas*

Parenti suo desideratissimo,

VIRO

GENEROSO, ET MAXIME STRENUO,

DN. CASPARO  
Ziereggen /

Hypothecario in Monsahl & Wendorf /

Hæreditario Marschallo Ducatus Sverinensis, &

Consuli Civitatis hujus Rosto-  
chianæ gravissimo,

Filia mœstissima,

Hodie, hora prima,

solemni ritu, paratas cupit,

Omnium Ordinum Cives Academicos  
sedulo serioq; invitat.

ROSTOCHII, Typis JOHANNIS KILII, Univ. Typogr.







Observasse Veteres, vel-  
ut hodie Ruricolæ, Um-  
bris diei horas; haud ob-  
scuro Persius testimonio  
probat: ignaviam arguens  
adolescentis, crapulam  
edormientis,

*Quintâ linea tangi-  
tur Umbrâ.*

Sat. III 4.

Vesperam Virgilius descripturus: cadere, inquit,  
*Majores altis de montibus Umbras.*

Eclog. I. 84.

Qui ad cœnam invitabant alios; Umbram simul  
designabant, ad quam vellent Convivas adesse.  
Rursum, qui invitabantur, lineam, quâ esset veni-  
endum, rogabant: ne tempus cœnæ prævenirent.  
Equidem L. Papyrius, cursor ad Quirini Ædem,  
duodecim antè annis, quàm esset cum Pyrrho bel-  
latum, primus legitur Solarium constituisse in foro  
Romano: sed neque tamen Huic; nec, quod Laër-  
tio placet, Anaximandro; nec, quod aliis, Anaxime-  
ni Milesio, hanc esse Umbrarum rationem tribuen-  
dam, Herodotus ostendit, quando à Babylonis Græ-

Athen. l. 1.  
c. 3. de Eu-  
bulo Comi-  
co Lucian.  
in Gallo.  
Plin. H. N.  
VII. 60.

Id. II. 76.  
conf. Da-  
lecb. not.

l. 2.

A 2

cos



cos Gnomonem didicisse fatetur; & Achaz horologium, ducentis Anaximene annis superius, Sole meridiano clarius evincit, quòd Hic circa quinquagesimam; Ille circa primam feratur Olympiadem vixisse. Haut esse leviter hanc levisimarum Umbra-  
rum rationem, ad vulgi morem, æstimandam, patet: quod sit non Calendarium tantum dierum, horarumque index; verùm etiam ocularis demonstratio situs motusque Solis. Altio-rem esse Lunâ Solem; Umbra ostendit, quæ huic brevior est, longior illi. Incomprehensibilis pene est velocitas Solis: sive Ptolemaicam assumas hypothesein, sive Hipparchicam, Coperniceam communiter dictam. sed tamen Umbra comprehenditur fugacitate: atque ita, quæ in cœlis geruntur; in terris, Umbra beneficio, quodammodo declarantur. Dissipantur ad accessum Solis, lux & motus Siderum, ne conspici valeant, nisi eo forsitan locò, quo patet

V. Line.  
mann. De-  
lic. Calen-  
dario  
graph. ad  
A. M. DC.  
XLI. qu. 4.

Virgil.

Ecol. III.  
105.

*tres cœli spatium non amplius ulnas:*

Verum enim verò, tenuissimæ acus, vilissimi styli filive Umbra, corporum lucidissimorum, Solis, dico, & siderum Zodiaci motum, situm, gradus notari posse; est, quod merito mireris. Erexit HINRICUS RANZOVIUS, Illustre Holsatæ Nobilitatis jubar, in arce suâ Bambergensi, Photo-Sciathericum, hisce versibus ornatum.:

*Hic tibi cum Numero spectantur Nodus & Umbra:*

*Quæ tria, quid doceant, commemorare libet.*

*Umbra notat dextrè, quota curset hora diei:*

*Hincq; notat vitam sic properare tuam.*

*At, in quo signo Magni lux publica mundi*

*Versetur; mirâ Nodulus arte docet.*

*Si vis*

*Si vis scire; dies quot quilibet occupet horas:*

*Id Numerus mediâ sede locatus habet.*

Idem in latere Obelisci, quem propè Izehoam, in Cimbriâ, Friderico, & aliis Daniæ Regibus erexit, sequentes subjecit:

*Umbra horas Phœbi designat climate nostro:*

*Nodus, quod signum Sol tenet, arte docet.*

Sed est mirabilius: hunc horarum indicem quovis pene in corpore, & figurâ quavis, plana horizontali, verticali, declinante, inclinata, concavâ, convexâ, annulari, quadrangulari, cylindricâ, armillari, sphericâ, imò ipsâ corporis palmâ polliceque exprimi & formari posse. Voluit Moderator supremus: ut, quemadmodum ex umbra lucem; ex creaturis Creatorem, nullo non loco, cognoscere habemus. Corporis verò proprii umbrâ, quasi naturale in nobismetipsis extare jussit horologium, quod hominem doceret vigilare: cùm ignoret, quâ horâ Dominus sit venturus. Caterum, ad Achaz horologium revertamur. In hoc ipso decem Umbra lineis retrocesserat, quo vitæ sibi prolongatæ certior redderetur Ezechias, vicinissimus morti. Naturalem Umbra retrocessionem haud esse difficilem; horologia plana ostendunt, quorum poli vel sunt incurvati, vel altitudinem habent, gradibus viginti tribus medioque minorem. At verò, hâc vice, cum Umbra & Solem fuisse retrogressum, Prophetæ partim verba inculcant, partim Babyloniorum Legatio declarat, obportentum observatum, ad Ezechiam directâ.

Adumbravit benignissimus Pater amoris, cu-

A 3

ra, &

*Sventer.  
c. l. probl.*

11.

*Rom. I. 10.*

*II. Reg. XX.*

10 11, 12.

*Esai*

*XXXVIII.*

8

*Harsdorff.*

*delic. part.*

*VIII probl.*

8. *Clavius*

*in Fabric.*

*instru-*

*ment. c. 21*

ræ, & sollicitudinis quasi suæ, adversum pios, fide-  
 lesque, ut ut affictos, Magnitudinem, quâ in eorum  
 gratiam, univèrsam Naturæ cursum haud rarò sus-  
 flaminavit, vel etiam invertit: ut mira sit, & in-  
 excusabilis prorsus stupiditas Mortalium ac ingra-  
 titudo, cujus obstaculo toti non in amorem mu-  
 tuum, blandissimumque Patris obsequium re-  
 solvuntur. Et verò meritò, regressu Umbræ, vita  
 Ezechix prolongata est adumbrata: siquidem Um-  
 bræ progressu fugacitas declaratur vitæ, quam, nu-  
 per ostendimus, haud esse vitam veram; sed Umbram  
 tantum gloriosæ futuræ. In horologio merito hæc  
 est vitæ prolongatio adumbrata: quod & vitæ tem-  
 pus omne ultimò dispensetur in horas, & mors ei  
 impendat omni horâ, & momento tandem finia-  
 tur horæ, à quo Universa æternitas, benedicta, maledicta  
 dependet. In Solario speciatim ea est delineata:  
 ut, si non amoris stimulo; saltim futurorum  
 consideratione, in Solarium nos exhibeamus Soli no-  
 stro; motum ejus, quocunque loco & tempore, ad-  
 mirando, glorificando, Charitatisque tesseriis, vel-  
 ut veræ illuminationis, haud obscurandæ, chara-  
 cteribus, adversus Proximum exprimendo, nec,  
 quantum in nobis est, concedendo, ut ulla, absque  
 horum lineâ, transeat hora.

*Aspice, quam celeri cursu levis effugit Umbra:*

*Lubrica nec vita tempora perde tua.*

*Diffugiunt anni celeres, Letumq; minantur:*

*Mortuus ut possis vivere; VIVE BENE!*

**Vixisse bene CONSULEM BEATE FUNCTUM:**

**Omnijs Universitatis, Senatûs, Reverendi Ministe-  
rii,**

rii, Civium incorruptorum ordo fatebitur ultro.  
 Et argumento est haud levi, rarum felicitatis exem-  
 plum, quo octogesimam octavam vitæ lineam, penè  
 attigit, ac Prophetarum summis determinatè prædi-  
 catam, septennio propè integro superavit. Quod  
 si enim abripiantur impii in medio dierum; vitæque  
 longiori dotentur pii, præcepta Domini servantes,  
 maloque, quantum possunt, resistentes: quidni  
 quoque HUNCCE fateamur vixisse BENE? Neq;  
 enim ex inevitabili lege, cujus quædam sit hora de-  
 cretoria, vita dependet; verùm in promissionibus  
 & comminationibus Fundatoris sui & Servatoris  
 est fundata. Accedit fidissima testium, Conscien-  
 tia: blandam omnino cum Fama consonantiam e-  
 dens. Cessisse corpore juvenilem vigorem; infir-  
 matas curarum annorumque mole vires; obnubi-  
 latam latioris mentis serenitatem; caligine obdu-  
 ctos oculos; & omnia, quæ voluptati ante erant  
 atque usui, deficere, conspexerat probè: sed nec  
 ideo, velut ex relatione habemus, plus justo, do-  
 lebat; quòd optimè, conscia mente, illud anteactæ  
 vitæ præservativum conditum haberet, quod & omnis  
 instans molestia superatur, & novum subinde gaudi-  
 um procreatur. Viderat, ad extremum vitæ, effluxisse,  
 quod præterierat; tantùm remansisse, quod virtute  
 & rectè factis erat consecutus; unde nec magis  
 dolebat, quàm agricolæ dolent, præteritâ verni  
 temporis sævitate, æstatem autumnumque venisse.  
 Mediolanensium Episcopus, morti proximus,  
*non sic, inquit, vixi inter vos, ut me pudeat vivere:  
 sed nec mori timeo; quia bonum Dominum habemus.*

Hâc

Pf. XC. 10.

11.

Pf. L. 24.

Deut. IV.

39. 40. V. 6.

VI. 2. VIII.

1. 3.

I. Reg. III.

14.

Proverb. X.

27. XI. 30.

XIII. 3.

XVI. 18.

XIX. 23.

Hæc Mentis fortitudine **CONSUL BEATUS**,  
 acerbissimum aliis mortis horrorem, vitæque con-  
 tinuandæ dulcedinem, eodem plane sensu perce-  
 pit. Equidem haud erat eidem labor, ex Profapia an-  
 tiquitate, aliunde quasi, laudem fœnerari: qui suâ  
 ipsius virtute adeò hactenus coruscabat, ut illustrio-  
 res etiam reddat, quotquot unquam hactenus exti-  
 tere Majorum. Nihilo tamen minus, postquam

Claud. in  
 serena  
 Nanzianz.  
 Orat. 36.

*Nobilitas cunctis exordia pandit  
 Laudibus,*

solumque ejus nomen *μείζον τι πρῶτον μέγεθος ἀρετῆς*,  
 magnum ad virtutem pondus affert; haud pigra-  
 mur bona fide transponere, quæ communicata no-  
 bis voluit annalium fides. Ea verò in Paterna linea  
 summatim **VIEREGGIOS**, Hæreditarios in **WET-  
 ZENDORFF & BORRENZEN**; in Ma-  
 ternaâ, **RAHEM** dictos, Hæreditarios in **REY**,  
 veneratur. Speciatim, Patrem laudat Virum Gene-  
 rosam & maximè Strenuû **RUPPERTUM WER-  
 ESSEN**: Matrem, Nobilissimam, & singularis  
 exempli fœminam, **RAHELEM à RAHEM**.

Lineæ Paternæ Ascendentes fuerunt: **AVUS**,  
**CHRISTOPHORUS WERESSE**/ ad sex usq;  
 Iustria, Marschallus hæreditarius Ducatus Sverinen-  
 sis: **AVIA**, **ELISABETHA LUNZOWEN**/ Domo  
**Seedorff** prognata.

Proavus, à parte Avi, **JOACHIMUS WER-  
 ESSE**; Proavia, **CATHARINA LEWESD-  
 WEN**/ Domo **Wisdorff**. A parte Avia; **VI-  
 TUS LEWESDOW**/ Hæreditarius in **Seedorff**/  
 Saxoniz. Proavia: **LUCRETIA BUSEWJ-  
 ZEN**/ de domo **Masselow**.  
 Abavus

Abavus Paternus, respectu Proavi: MATTHIAS  
WJEXESE; Abavia: ANNA BUDWEN / de  
domo Währendorff / Respectu Proavia: HINRICUS  
IEWEZOW / domus Wistorff; Abavia: ANNA  
WIDICKEN / è domo Wiffelstorff.

Atavus, ratione Abavi: JOANNES WJEXES-  
SE; Atavia, MARGARETHA HAHNEN / domus  
Bassedow. Ratione Abavia, GEORGIUS BUESSE-  
WJZ / Hæreditarius in Waffelow. Atavia: ELISABE-  
THA SPENJINS / de domo Rubow. His nume-  
rantur superiores BLANCKENBERGII, domus Blan-  
ckenbergicæ; LUBBERSTORFFII, Marcæ Brandenbur-  
gicæ, SCHARFFENBERGII, Saxonix; OERZII, è  
Gerdsbagen; PENZII de Behsdorff / WACKERBAR-  
TII de Rogel; ASCHBERGII, Brunsvigix; WIN-  
TERFELDII, domus Hünerlaud dictæ.

Materna Linea salutat Avum Generosum & Maximè  
Strenuum, CASPARUM de RAHLEN; Aviam, Nobil-  
issimam Gente & Mente, MAGDALENAM CRÆMO-  
NEN.

Proavū, respectu Avi, habet MATTHIAM à RAHLEN:  
Proaviam, CATHARINAM IEESEN / de domo  
Wardow. Respectu Avix: JOACHIMUM CRÆMON,  
Hæreditarium in Borkau / Maritum MAGDALENÆ  
KERNBERGS / è domo Kerbergs / Marcæ Branden-  
burgicæ.

Abavum, à parte Proavi, censet LEONHARDUM  
à Rahlen / Abaviam: ANNAM à THULENDORFF /  
stirpis, morte postea defectæ. Abavum, à parte Proavia,  
JOACHIMUM IEESEN / hæreditarium in War-  
daw: Abaviam, LUCIAM AXENHEJMS / Marcæ  
Brandenburgicæ.

B

Atavum

Atavū, respectu Abavi, LEVINUM à RUSIEN: Ataviā  
 ANNAM von DARMEN / Marca Brandenburgicā.  
 Atavum, respectu Ataviā, JOANNEM EUMEN  
 DORFF / Hæreditarium in Thulendorff / Marca  
 Brandenburgicā: Ataviam; SOPHIAM ROHREN/  
 domūs Niehausen. Atque his rursū numerantur su-  
 periores: Domus VON DER LISC / è Busmuhl;  
 LEWZOVIA, de HULSEBORG; LEWZOVIA  
 de LUNOW; KERBERGIA, Marca Brandenburgicā;  
 PRHENIA de LANDELSTORFF; BULOVIA de HUN-  
 DORFF; MOLTKIA, è Teutonum angulo, s. TELL-  
 TENWJNEREL; MOLZANIA, de SEND-  
 STOW.

His ortus Majoribus Nobilissimis, postquā A. M. D.  
 LXXXVIII. d. IV. Octobr. lucē hujus Mundi primitus con-  
 spexisset, veræq; Lucis, quæ in Deo est, aspersione sacri  
 fontis, particeps factus fuisset; Pueritiam, sub Parentū pa-  
 riter ac Præceptorum manu ductione & disciplinā, feliciter  
 transegit. Anno M. D. XCIX. Serenissimo & Celsissimo  
 Principi ac Domino, DN. ULDARICO, Duci Mecklen-  
 burgico &c. &c. gloriosæ memoriæ, per biennium; mox  
 Successori, Serenissimo ac Celsissimo Principi ac Domino,  
 DN. CAROLO, per triennium; post, Serenissimo ac  
 Reverendissimo Domino, DN. ULDARICO, Principi &  
 & Episcopo Buzoyiensi, à servitiis, Nobilium adolescen-  
 tibus sustineri solitis, ad triennium factus: cujus cum  
 Serenitate etiam Germaniam & Angliam lustravit. Anno  
 M. DC. XI. castris se applicavit Serenissimi ac Potentis-  
 simi Regis Daniæ: hisque, intercedente Pace, solutis;  
 Belgarum Militiæ ad quadriennium subscripsit. Annum  
 M. DC. XVII, & sequentem, Galliæ impendit visendæ:  
 donec

donec A. M. DC. XIX. morte avocatus Parentum, statum Oeconomicum eligeret, inque vitæ subsidium, thorique societatem, secundo prorsus fidere, duceret Generosam, virtutibusque virgineis præclarissimam, Duam LUCIAM WELZINS, quâ cum nunquam, redire in gratiam, est coactus. Nec improle fuit conjugium; quod filio Unico CHRISTOPHORO, & quatuor filiabus, MARIA ELISABETHA, MARGARETHA SOPHIA, MAGDALENA LUCIA, & ANNA CATHARINA, Parentes beavit. Verum: ut habet suas hic Mortalitatæ status vicissitudines; ita Anno M. DC. XXXI. octodecim septimanarum spatio, & filium, & duas natu majores filias, abripuit acerbitas mortis, quas Anno M. DC. XL. quarta numero, ANNA CATHARINA, haud absque Parentum desiderio, pie beateq; virgo est secuta. Tertiar, Generosi DNI. VOGELSANGII, Vice-Chiliarchi, dum viveret, maximè Strenui Viduæ, exequias Paternas gememundè curanti, ex quâ BEATUS CONSUL Octo Nepotes, quinque Pronepotes est exoscultatus, omni solaminis & subsidiorum genere, præsit DOMINUS ex alto! A. M. DC. XLIX. est singulari supremi Directoris nutu, ad Civitatis hujus Consularum evectus. Et eo quidem munere, qua fide, quave sit dexteritate, pro dono, quod habebat, functus, modo defunctus; cum sit noto notius; haud habeo pluribus impræsentiarum recensere. Neque tamen hic felicitatis splendor mansit absque ulteriorum afflictionum Umbra: quando Anno M. DC. LXVIII. in senectâ pene decrepitâ, vitæ subsidia maximè requirente, privatus est, cui post DEUM sese hactenus commendaverat, Conjuge dilectâ. Sed stetit tamen Viri Virtus: quâ eum altioris motus Characterem



*H. Cor.  
VI.4.*

exhibuit semper, ut jure merito, incomprehensibilis  
queat Solis solariū vocitari. Feralis omnibus habetur Cu-  
pressus: Buxum contra nulla ventorum violentia spoliat,  
veterive exuit amictu: quin semper sibi constans, conti-  
nuo suo vireat virore. Buxus ad horarū numerū, Cupres-  
seo gnomoni s. Umbilico circumposita, tristemque ejus  
Umbram, à Solis motu dependentem excipiens, super-  
addito, epigraphes vice, Apostoli voto: **COMMEN-**  
**DEMUS NOSMET IPSOS, IN OMNIBUS, UT MINI-**  
**STRI DEI, IN TOLERANTIA MULTA!** haud obscurū  
præbuerit Hieroglyphicum, cum Christianorū cuius, ad  
Solis justitiæ motū, feralis mundi tribulationes Umbras-  
ve, velut dulcissima Datoris summi beneficia, iucorrupte  
exosculanti; tūc **CONSULI** etiam beato; qui in labo-  
ribus, in puritate, in animi lenitate, in benignitate, in  
charitate non simulata, in sermone veritatis perstitit,  
donec, proximè elapso anno, die XV. Novembris, vitæ  
laborumque satur, senio extremo confectus, per crucem  
in lucem, per aspera ad astra, per Mortis Umbram in vitæ  
gloriam, absque metu motu ve inordinato, est translatus.  
Nostrum erit, **CIVES ACADEMICI!** altiùs paulo isthæc  
quidem ruminare; Corpus beate functi ad dormitorium  
suum, hodie, quâ decet frequentia, comitari; utq;  
ipsi mortui queamus vivere, quousq; vivimus,  
**VIVERE BENE!**

**Conventus erit in Æde Mariana.**

*Publ. sub sigillo Rectoris d. X. Februarii*  
**ANNO M. DC. LXXV.**












donec A. M. DC. XIX. morte a-  
tum Oeconomicum eligeret, in-  
trique societatem, secundo pro-  
rosam, virtutibusque virgineis  
LUCIAM WELZINS, quâ  
gratiam, est coactus. Nec im-  
quod filio Unico CHRISTOPH-  
bus, MARIA ELISABETHA  
PHIA, MAGDALENA LUCI-  
RINA, Parentes beavit. Verum  
talitatis status vicissitudines; i  
octodecim septimanarum spatio  
majores filias, abripuit acerbitate  
DC. XL. quarta numero, ANN  
absque Parentum desiderio, pie  
Tertiâ, Generosi DNI. VOGEL-  
chi, dum viveret, maximè Stre-  
ternas gememundè curanti, ex  
Octo Nepotes, quinque Prone-  
mni solaminis & subsidiorum ge-  
ex alto! A. M. DC. XLIX. est filii  
ris nutu, ad Civitatis hujus Con-  
quidem munere, qua fide, quâ  
dono, quod habebat, functus,  
noto notius; haud habeo plurimè  
censere. Neque tamen hic fe-  
absque ulteriorum afflictionum  
M. DC. LXVIII. in senecta pene-  
maximè requirente, privatus  
hactenus commendaverat, Co-  
tamen Viri Virtus: quâ eum al-



rentum, sta-  
bfidium, tho-  
uceret Gene-  
mam, Duam  
am, redire in  
conjugium;  
quatuor filia-  
RETHA SO-  
IA CATHA-  
uas hic Mor-  
DC. XXXI.  
& duas natu-  
uas Anno M.  
RINA, haud  
go est secuta.  
Vice-Chiliar-  
exequias Pa-  
IS CONSUL  
scultatus, o-  
DOMINUS  
remi Directo-  
ectus. Et eo  
teritate, pro-  
ectus; cum sit  
sentiarum re-  
endor mansit  
uando Anno  
vita subsidia  
DEUM sese  
a. Sed stetit  
Characterem  
exhi-